

16.03.2022

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisumut apeqqutit imaattut saqqummiuppakka:

Naalackersuisunut apeqqutit:

- 1. Ittoqqortoormiit eqqaani aalisakkat inuussutissarsiuutaasinnaasut sumiinersut suunersullu piaarnerpaamik pitsaasumilu misissornissaat periarfissaava?**
 - a. Misissuisoqassappat aalisarteq kitaaniit misilittagalik pikkorrisoq aamma piffimmi piniarteq kiisalu sunngiffimmi aalisartarteq peqataatinneqarsinnaappat?**
 - b. Aalisakkanik misissuisoqassappat misissuinermi atortut kiisalu aalisarnermut atortut tamaasa amigaatiginnginnissaat qulakkeersinnaavisiuk?**
 - c. Angallatit aasami kilisaat aamma umiatsiaq imaluunniit taamaaqataat, ukiumi snescooteri atortullu tamaasa isumagisinnaassavisigit?**
- 2. 2006-imi qalerallinnik aalisarluni misissuinermi qalerallit qanoq annertutigisut pisarineqarpat aammalu angissusaat qanoq ippat?**
- 3. Misissuisoqassappat misissuinerullu takutippagu arlaannik aalisagaqarluarteq aalisarnermik inuussutissarsiuutigineqarsinnaalluartunik, taava alloriarneq tullegg sunaassava?**

(Inatsisartunut ilaasortaq, Mette A-Hammeken, Naleraq)

Tunngavilersuut:

Innuttaasut Ittoqqortoormiit eqqaani aalisakkat aalisarlugit ilaatigut pisarisartagaat makkuupput:

Qalerallit, Nipisat, Saarulliit, Qeeqqat, Ammassat qalullugit, Raajat (pisat aqajaruini takuneqakulasarput).



Immap uumasui aalisagartortartut Ittoqqortoormiuni arlaqarput taamaammat aalisagaqartoq oqaatigineqartarluni, aalisakkat eqimattat sumiinersut naluinnarneqarput, aamma aalisartoqarfimmiuunnginneq peqqutaalluni qanoq aalisarneqartarnersut naluneqarluni. Piniartut aamma innuttaasut aalisarnermut soqutigisallit arlaqartut assut soqutigalugit pilerigalugillu oqaatigivaat aamma qangaaniilli eqqartortarsimallugu. Ilisimaneqarportaaq 2006-mi umiarsuaq atorlugu misissuineq ingerlanneqartoq iluatsippallaarsimanngitsoq, taamanikkut Tunup avaannaata eqqaani qaartiterinerit ingerlanneqarput qilalugarpasuit immap uumasuilu qimarrattut takussaasimaqaat, taamaalilluni aalisakkat misissorniakkat tamanna peqqutaalluni nassaariuminaassimassasut ilimagineqarluni.

Aalisartunik ilisimasalimmik ingiaqateqarnissaq piniartut ilaatigut pisariaqartikkaat oqaatigineqarpoq.

Piniartut aamma aalisarnermullu soqutigisallit isumaqarput saperatik misissuinissamut atortut pissarsiarisinnaagunikkat aalisalernissamut piumassuseqarluarlutik. Aalisagaqassappallu suleqataarusupput iliuuseqaqataarusullutillu.

Oqaatigineqarportaaq inuutissarsiutitut aalisarneq iluatsissappat tassunga ikaarsaaffigisinnaallugu kiisalu piniartuunermut tapertatut aamma soqutigalugu. Tassami ullutsinni piniartut pisarisartagaat arlaqartut killersugaapput tunitsivissaqartarnatillu, ukuinilu arlaqalersuni aningaasarsiornermikkut ilungersunartorsiorfimmiillutik oqaatigisarpaat

Kissaatigaara ullut qulit iluini apeqquteqaatima akineqarnissaa.